
BIBLIOTECA NACIONAL ARUBA

Kinikini



E parha carnivoro mas chikito riba nos isla

Contenido

Kinikini “torenavalk Arubiano “	
Manera di broei.....	
Area/lugar di biba.....	
Cuminda.....	
Neishi.....	
Manera di defende.....	

Kinikini “torenvalk Arubiano “



Kinikini ta e parha carnivoro(cu ta come carni curu) mas chikito aki na Aruba. E ta un sorto di valk cu ta un parha chikito cu tin parecido cu e torenvalk mericano. E ta bula y move lihe cu su halanan gespit y un rabo largo.

E color di e plumanan ta bruin cora, hala shinishi, color blanco na su cara cu algun strepi preto y cu wowonan grandi preto y skerpi. E parhanan aki bo ta hay’e na e costa noord na Aruba, na e lugarnan habri unda cu liheresa y bulando abou nan ta coy nan presa. E cuminda di e Kinikini ta consisti di bestia bibo. E kinikini tin un grito lihe cu ta klink ‘Ki-Ki-Ki-Ki , di cual probablemente el a haya e nomber “Kinikini”.



Kinikini hembra

Parha	Kinikini
Nomber Latin	Falco sparverius
Largura	19-21 cm e homber ta un tiki mas chikito cu e muhe
Peso	homber: 103-120 gram, muhe: 126-166 gram.
Color	E parha homber di e torenvalk mericano tin un cabes shinishi cu corona, nek, lomba y rabo bruincora. E tin vleknan preto riba flank y schouder. E hembra tin un pecho bruin geel sushi strepia. E nek, lomba y rabo ta bruincora.
Enemigo	hende

Manera di broei

E torenvalk nan mes no ta traha neishi. Nan ta haci neishi di otro parhanan bashi y nan ta uz'e. Nan ta broei tambe den edificionan halto, den buraco di piedra y matanan. Cuatro(4) te seis(6) webo ta wordo poni den temporada di broei entre april y mey. E hembra ta broei e webonan y e ta dura 26 te 31 dia pa nan sali. E webonan ta blanco cu vlek y sombranan lichtbruin.

Area/lugar di biba

Tur caminda e Kinikini ta bay tanto den cunucu y como den barionan unda hende ta biba. Ta biba den cadushi habri y den area di acacia. Ta un di e poco parhanan cu bo ta haya den desierto di piedra na e parti di costa noord di Aruba y Corsou. Den naturalesa e Kinikini ta destaca, sinta riba un top halto di un cadushi of un taki pelon di un palo di mango. Ora di jaag bo por wak nan keto para ta loer. Door di e sla lihe di su halanan e parha por mantene su mes den aire. E webonan ta rondo oval. Color cream geel cla cu pleki y mancha chikito bruin cla.





Cuminda

For di un top halto di cadushi y un taki pelon di wabi, un piedra solitario of un heki bo ta haya e Kinikini ta spiona su presa. Despues di un bula hopi abou y lihe riba e vloer, den bulamento e Kinikini mayoria biaha ta gara su presa cu su pia y huñanan y ta bay cun'e. Cuminda di e Kinikini ta consisti di bestinan bibo cu ta biba riba tera of suela. Lagadishi riba e isla aki ta forma un parti importante di e cuminda di un kinikini. Fuera di lagadishi, insectonan manera por ehempel “ Tirakochi y Libelle”, tambe ta alimento pa e parha aki.



Fuera di Lagadishi y Tirakochi e Kinikini na Aruba y Corsou ta come parhanan chikito manera Chonchorogai, totolica y tambe raton. E parha por para oranan largo na un lugar cu e ta vigila y asina busca momento adecua pa gara su presa. Di unda despues e tira un sambuya bay abou riba su presa y bay cune.



Neishi

Neishi y lugar di neishi ta varia hopi. E neishi por ta un taki habri meymey di un pida Cadushi kibra of den un pida stam kibra di un mata di Coco. E kiniki ta haci su neishi tambe den un split di piedra duro cu no ta kibra por ehempel halto den un spelonk na Rooi Frances y na e tubonan den e Refeneria di petroleo. Tin biaha tambe ta pone neishi den mata di Tamarijn. E Kinikini por ta hopi agresivo banda di su neishi y ta ataca hende tambe cu yega cerca. E Kinikini ta haci su atace door di pusha duro cu su cabes riba e intruso. E webonan ta rondo te oval. Color cream geel cla cu pleki y mancha chikito bruin cla.



Neishi Kinikini cu baby Kinikini

Manera di defende

E kinikini ta sensibel den su teritorio y ta core cu enemigonan. E por ta un compaño Kinikini mes. Door di atakenan agresivo den aire si esakinan drenta den e area di broei y di su cuminda.



Forma di bida

E Kinikini ta biba den cadushi habri y den area di Acacia. E ta un di e poco parhanan cu bo ta haya den desierto di piedra na e parti di costa noord di Aruba y Corsou. Den naturalesa e Kinikini ta destaca, sinta riba un top halto di un cadushi of un taki pelon di un palo di mango.



Literatura

- Arubiana/Caribiana y Biblioteca Buki di “Vogels van de Nederlandse Antillen.
- Parke Nacional Arikok: Site cu informacion di Kinikini
<http://www.arubanationalpark.org/main/fact-sheets/>
- Wikipedia: https://en.wikipedia.org/wiki/American_kestrel
- https://animaldiversity.org/accounts/Falco_sparverius/
- <http://florafaunacuracao.blogspot.com/search/label/kinkini>
- <http://florafaunacuracao.blogspot.com/search/label/kinikini>